

COMUNICATO n. 539 del 04/03/2026

S meing toalnemmen de jungen as hom zbischn de 18 ont de 29 jor ver de òrbetn van alpinplòtz

Jungenrot EUSALP, s hòt zait ver za schraim se inn finz as de 12 van moi

[Mòcheno] An alpineregion as òlbe mear hert hòltet, mear tsunt ist ont zòmm hòltet: s doi durch a zòmmòrbet zbischn van mearer regionen va de Europäische Union ver de Alpineregion (EUSALP), asou as de pèrgplatz kennen hert hòltn ont envire schaug. Haier aa, de jungen generazioni meing hèlven za kemmen en doi zil, benn de innkemmen za toalnemmen en jungenrot van EUSALP, gamòcht va 28 toalnehmer (viara ver an iatn Alpn lònt) as plaim ver a jor, pet moglechket za plaim ver a zboateges jor.

De jungen zbischn de 18 ont de 29 jor as lem en oa'n van 48 regionen as toalnemmen en EUSALP en Balschlont, Taitschlònt, Frankraich, Osteraich, Slowenien, Schbaiz oder Liechtenstein meing vourstelln de sai' vrog finz as de 12 van moi 2026.

A plòttform iber de grenzn ver en empowerment van jungen

Der jungenrot hòt gamòcht a plòttform ver za gem de moglechkait en de jungen za toalnemmen en sèll as mòchen de orgln van EUSALP ont versichert as de sai'na ideen ont sèll as de tschbinnen kemmen u'ganommen.

De toalnehmer schaug za enviretrong de politik ont de projektn ver de alpn ont enviretrong konkretn òrbetn, projektn ont naiekaitn. De vourstelln ideen en de politiker van Stòttn ont de regionen van EUSALP ont schaug za anauhòltn de sai'na regionen en europeische livell. De jungen tea'se organisarn ont learnen za nemmen toal en de demokratische òrbetn pet verschidene sprochen ont kulturn. En glaiche vurm EUSALP leart van jungen za nemmen aunaia ideen van lait as barn as de Alpn lem. Der rot vinnt se viar oder vinf vert en de zait as der ist innstellt ont zòmmòrbetet durch strumentn ver za klòffen se va vèrr en temateschn gruppn ver za vourtrong òrbetn. De jungen as sai' kemmen u'tsòk miasn tschbinnen en a pahòltlege riarn se, zòmmhengen se en òndra naia òrbetn ver de jungen, òrbetn ver de zukunft van alpine regionen ont sensibilisarn as natural ont kultural pahalter van Alpn.

Vrong finz af de 12 van moi 2026

De vrong miasn inntrong kemmen durch en [portal EUSALP](#). Der Jungenrot hòt abia rif der sèll za tschbinnen drau af de ònderskait va de Alpnlòntschòft, ver dòs bart men en drautschbinnen abia za tschern, asou za versichern a glaichbeng struktur zbischn de jungen as de vrog mòchen van sim EUSALP lender, ver plòtz, geschlècht ont òrbetn ver jungenorganisasionen. De Stòttn ont de Regionen EUSALP barn de roaskostn lucken ver de trèffen ont de naiekaitn en de beiln as toalnemmen de Rotkonsiliarn ont de barn de sai' hilf gem. Ver za bissn mear: <https://alpine-region.eu/alpine-youth>.

EUSALP (EU Strategy for the Alpine Region) ist a Makroregional Strategi aupaut en 2015 van Europarot ver za versterchern de transfrontaliar ont interregional zòmmòrbet af nen definiartn plòtz, der sèll van Alpn, ver za gem omport en zòmmòrbetn. En EUSALP nemmen toal sim Lender: vinva van EU (Balschlont, Fronkraich, Taitschlònt, Osterraich ont Slovenian) ont zboa aus de EU (Schbaiz ont Liechtenstein), ver en gòzn 48 regionen, ont derzua de zboa Autonomen Provinzn va Trea't ont Poazn. De Strategi geat no en pahòltlege regiar van naturpahalter ont van kulturpahalter ont billt verlaichtern de konnettivitè ont s derzuakemmen en de pèrgplatz, turch òrbetn as s verpesser unterstitzn. òndra nochrictn af: <https://alpine-region.eu/>.

Derzua: plakatl

Ibersetz gamòcht van Sprochtirl va de Tolgamoas'chèft Hoa Valzegu' ont Bersntol

(cdt)